



KENANGAN: Dr. Fary (enam kanan), Ibrahim (kanan) dan Fadhilah (kiri) bersama Mohd Dzulfaizal (empat kiri) dan pemimpin MPPWPL bergambar kenangan di Wisma Perbadanan Labuan, baru-baru ini.

MPP Labuan komited bantu Perbadanan Labuan bangunkan Labuan

LABUAN: Majlis Perwakilan Penduduk Wilayah Persekutuan Labuan (MPPWPL) bagi 'Sesi 2020-2021' telah mengadakan kunjungan hormat terhadap Ketua Pegawai Eksekutif Perbadanan Labuan Dr. Fary Akmal Osman di pejabatnya di Tingkat 4, Wisma Perbadanan Labuan, baru-baru ini.

Kunjungan itu diketuai oleh Pengerusi MPPWPL Mohd Dzulfaizal Ab. Manan.

Turut sama ialah Timbalan Pengerusi Haji Hadnan Mohammad dan Setiausaha Willy Wei Chung.

Pengerusi-Pengerusi MPP Sub Zon yang terdiri daripada Abdul Rahim Mohd Salleh (MPP Subzon 1), Chew Chin Hui (MPP Subzon 2), Haji Omar Misir (MPP Subzon 3), Ahmad Junid @Ahmad Junit

Mohd-Aling (MPP Subzon 4) dan Fadillah Eddy Abdul Khalid (MPP Subzon 5) juga hadir dalam pertemuan itu.

Kunjungan hormat yang julus kalinya itu bertujuan memperkenalkan barisan kepimpinan tertinggi MPPWPL di samping menjelaskan hala tuju organisasi tersebut dalam membantu membangunkan Labuan sebagai sebuah pulau yang maju dan berdaya saing.

Mohd Dzulfaizal berkata, MPP Labuan akan terus komited membantu Perbadanan Labuan menjayakan agenda pembangunan Labuan khususnya dalam mentransformasikan sektor pelancongan dan mewujudkan lebih ramai usahawan Industri Kecil dan Sederhana (IKS).

"MPPWPL dan Majlis

Pengurusan Komuniti Kampung (MPKK) akan terus komited menyokong usaha Perbadanan Labuan dalam membangunkan Labuan terutamanya dalam sektor yang mampu menjana ekonomi Labuan dan penduduk tempatan," katanya.

Dalam program yang berasingan, MPPWPL dan juga MPKK telah menghadiri majlis taklimat mengenai usaha-usaha Perbadanan Labuan dalam merancang Pembangunan Strategik Labuan 2.0.

Sesi taklimat itu turut dihadiri Ketua Pegawai Eksekutif Perbadanan Labuan Dr. Fary, Timbalan Ketua Pegawai Eksekutif (Pengurusan) Fadhilah Mahmud dan Timbalan Ketua Pegawai Eksekutif (Pembangunan) Ibrahim Tambi.